



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-702/02.

Sarajevo, 28.06.2002. godine.

Z A P I S N I K

Sa 19. sjednice Komisije za ljudska prava, imigraciju, izbjeglice i azil održane 26.06.2002. godine sa početkom u 10 sati.

Devetnaestoj sjednici Komisije prisustvovali su:

- Brka Osman, predsjedatelj Komisije,
- Osmanović Bahrija, član Komisije,
- Čuplov Mustafa, član Komisije
- Kamberović Violeta, član Komisije
- Filipović Omer, član Komisije.

Odsustvovali su Jovanović Miloš, zamjenik predsjedatelja komisije, Grabovac Miro, zamjenik predsjedatelja komisije, Stokić Dušan, član komisije, Dr. sc. doc. Franjo Mjadandžić, član Komisije.

Na sjednicu su pozvani predstavnici Misije OEES-a BiH ali se pozivu nisu odazvali.

Za sjednicu je usvojen slijedeći:

DNEVNI RED:

04. Usvajanje zapisnika sa 18. sjednice Komisije,
05. Zaključci i poruke Okruglog stola «Jačanje parlamentarnog angažovanja u zaštiti ljudskih prava u Bosni i Hercegovini» održanog 07.-09. 06.2002. godine
06. Tekuća pitanja.

Ad – 1 Usvajanje zapisnika sa 18. sjednice Komisije.

Nakon usvajanja dnevnog reda, predsjedatelj Komisije Osman Brka je predložio diskusiju i usvajanje zapisnika sa 18. sjednice. O zapisniku nije bilo rasprave.

Kako nije bilo rasprave, predsjedatelj Komisije je predložio usvajanje zapisnika, pa je Komisija jednoglasno usvojila Zapisnik s 18. sjednice Komisije.

Ad – 2 Zaključci i poruke Okruglog stola «Jačanje parlamentarnog angažovanja u zaštiti ljudskih prava u Bosni i Hercegovini» održanog 07.-09. 06.2002. godine

U uvodnom izlaganju za drugu točku dnevnog reda, predsjedatelj Osman Brka je ukazao na osnovne aktivnosti koje su se do sada odvijale po pitanju organiziranja Okruglog stola kao i na poruke i zaključke Okruglog stola koji je održan u predviđenom terminu, i to od 07. do 09.06.2002. godine. Predsjedatelj se osvrnuo na prijedlog materijala koji nosi radni naslov «Mišljenja, zaključci, sugestije i poruke Okruglog stola «Jačanje parlamentarnog angažovanja u zaštiti ljudskih prava u Bosni i Hercegovini» održanog 07.-09. 06.2002. godine», predlažući da se provede rasprava o njemu i da se isti usvoji. Iznio je i svoje mišljenje da je Okrugli stol uspješno organiziran i da će njegove poruke, u vidu prezentiranih mišljenja, zaključaka, sugestija i poruka Okruglog stola «Jačanje parlamentarnog angažovanja u zaštiti ljudskih prava u Bosni i Hercegovini» imati dalekosežne učinke, jer će ova mišljenja biti upućena na realizaciju najbitnijim organima vlasti Bosne i Hercegovine, njenih entiteta i kantona Federacije Bosne i Hercegovine..

U diskusiji koja je uslijedila, učešće su uzeli prisutni članovi Komisije.

G. Filipović Omer se je veoma pohvalno izrazio povodom radnog materijala, smatrajući da on obuhvata sve bitne elemente koje je Okrugli sto donio kao poruku. Istakao je okolnost da postoji obaveza Bosne i Hercegovine da periodično izvještava Vijeće Europe o stanju ljudskih prava i osnovnih sloboda u Bosni i Hercegovini, pa je predložio da se dopuni jedan od zaključaka sa konstatacijom da se obavezuje nadležni organ, koji priprema informacije, da prije slanja informacije, nju dostavi ovoj Komisiji da bi Komisija zauzela stav o tim pitanjima.

Ovaj prijedlog je bio podržan od ostalih članova Komisije i usvojen je kao dio tačke 10 «Zaključaka...»

Tajnik Komisije dr. Zijad Hasić, članovima komisije je prenio mišljenje g. Jovanović Miloša, koji je spriječen da dođe na sjednicu, ali se je telefonom očitovao o «Zaključcima...». G. Jovanović je podržao sve zaključke iz radnog materijala, ali je iskazao rezervu za točku 11., smatrajući da ova tačka nema mnogo sa ljudskim pravima i osnovnim slobodama, a koja glasi:

« 11. Na nivou države Bosne i Hercegovine, treba hitno donijeti sve ključne zakone, posebno iz krivične i građanske oblasti koji pomažu afirmaciji Bosne i Hercegovine u evropskim integracijama i funkcioniranju države kao međunarodnog subjekta».

O ovoj tački su uzeli učešće u diskusiji g. Brka i g. Cuplov, koji su podržali ostajanje ove tačke u radnom materijalu, smatrajući da je neophodno da i ona bude jedan od zaključaka, jer je na Okruglom stolu bilo diskutirano koji su tražili donošenje propisa države Bosne i Hercegovine.

G-da Violeta Kamberović je istakla da su zaključci dobri i da ih ne treba mijenjati već da se isti dostave najbitnijim organima Bosne i Hercegovine na daljnju proceduru provođenja.

Član Komisije, g-da Osmanović Bahrija o zaključcima se veoma pohvalno izrazila, smatrajući, takođe, da se ne trebaju mijenjati.

Na kraju, zaključeno je sljedeće:

- Usvaja se radni materijal u formi prijedloga, a koji nosi radni naslov «Mišljenja, zaključci, sugestije i poruke Okruglog stola

«Jačanje parlamentarnog angažovanja u zaštiti ljudskih prava u Bosni i Hercegovini» održanog 07.-09. 06.2002. godine, sa izmjenama iskazanim i usvojenim na sjednici Komisije.

- Potrebno je navedeni materijal dostaviti najvažnijim institucijama vlasti Bosne i Hercegovine na daljnju operacionalizaciju i izvršavanje, i to slijedećim organima:

- Zastužničkom domu Parlamentarne skupštine BiH,
- Domu naroda Parlamentarne skupštine BiH,
- Predsjedništvu Bosne i Hercegovine,
- Vijeću ministara Bosne i Hercegovine,
- Ministarstvu za ljudska prava i izbjeglice Bosne i Hercegovine
- Oba doma Parlamenta Federacije BiH,
- Narodnoj Skupštini Republike Srpske,
- Vladi Federacije BiH,
- Vladi Republike Srpske,
- Federalnom ministarstvu za socijalnu politiku, raseljena lica i izbjeglice,
- Ministarstvu za izbjegla i raseljena lica RS
- Kantonalnim ministarstvima za izbjeglice i raseljena lica

Ad-3. Tekuća pitanja.

Predsjedatelj Komisije g. Osman Brka je, kao bitno pitanje pomenuo utvrđivanje rasporeda obilazaka grupa Komisije pojedinim općinama u Bosni i Hercegovini, smatrajući da se ta aktivnost oko odlazaka na teren treba obaviti u prvoj polovini idućeg mjeseca. Ovu konstataciju prihvatili su članovi Komisije.

Prihvaćena je slijedeća shema grupa i obilazaka, sa utvrđenim terminima:

I Grupa:

- Osman Brka.
- Violeta Kamberović
- Miloš Jovanović

Općine	Termin odlazaka	Vrijeme susreta	Napomena
Centar-Sarajevo	Utorak 09.07.02	09-12	
Ilijaš	Utorak 09.07.02	13-15	
Ilidža	Utorak 09.07.02	16-18	Noćenje u Orašju
Odžak	Srijeda 10.07.02	09-12	
Distrikt Brčko	Srijeda 10.07.02	14-17	

II grupa

- Miro Grabovac -- Titan
- Bahrija Osmanović
- Mustafa Cuplov

Općine	Termin odlazaka	Vrijeme susreta	Napomena
Kiseljak	Četvrtak 11.07.02	09-11	
Jajce	Četvrtak 11.07.02	16-18	
Dobretići	Četvrtak 11.07.02	16-18	Noćenje u Livnu

Livno	Petak 12.07.02	09-11	
Tomislavgrad	Petak 12.07.02	12-14	
Kupres	Petak 12.07.02	15-17	

III grupa

- Dr.sc.doc. Franjo Majdandžić,
- Dušan Stokić
- Omer Filipović

Općine	Termin odlazaka	Vrijeme susreta	Napomena
Derventa	Četvrtak 11.07.02	10-13	
Teslić	Četvrtak 11.07.02	14-16	Noćenje u Tesliću
Prijedor	Petak 12.07.02	10-13	
Sanski Most	Petak 12.07.02	14-16	

Nije bilo drugih pitanja za ovu točku dnevnog reda.

Ovim je završena 19. sjednica Komisije.
Sjednica je završena u 11.00. sati.

TAJNIK KOMISIJE


Dr. Zijad Hasić

PREDSJEDATELJ KOMISIJE

Osman Brka